



PONUĐA INFORMACIONOG SISTEMA ZA
GLAVNU KNJIGU FINANSIJA

FAMEHOF

FAMEHOF, 2015.

Poštovani,

prije svega bismo Vam se željeli zahvaliti na pruženoj prilici za predstavljanje našeg softverskog rješenja. Uvjereni smo da je naš tim inženjera u potpunosti sposoban da ispuni sva Vaša očekivanja i potrebe, a time i da unaprijedi Vaše svakodnevno poslovanje pa samim time učini ga efikasnijim.

Naša firma, FAMEHOF, nudi Vam u potpunosti predan pristup razvoju softverskog rješenja kao i rad sa savremenim tehnologijama. Sa novim softverskim rješenjem, naš cilj jeste da Vam pomognemo da unaprijedite svoje poslovanje, jer time povećavate broj zadovoljnih korisnika kao i dobit. Vaše zadovoljstvo je naš prioritet! Novo softversko rješenje će Vam pružiti potpuni uvid u finansije, kao i potpunu kontrolu i nadzor svih transakcija i Vaših novčanih sredstava, jer je stabilnost i kontrola na prvom mjestu!

Softversko rješenje koje Vam FAMEHOF nudi obezbjeđuje kompletnu integrisanost, lakši unos svih podataka, kao i sigurnost i bezbjednost istih. Bezbjednost, koja je jedna od glavnih stavki, je osigurana kontrolisanim pravom pristupa. Tu smo da Vam pružimo širok spektar pogodnosti i usluga, koje će Vam omogućiti da na najefikasniji način rješavate svoje svakodnevne radne obaveze.

Osim nabrojanog, sistem omogućava:

- centralizaciju podataka, skladištenje svih podataka na jednom mjestu ima višestruke pogodnosti, a samo jedna od tih pogodnosti jeste efikasnost pri pristupanju podataka
- jednostavnost pri korištenju kao i održavanju – *user friendly*
- dostupnost 24/7

Nudimo Vam garanciju za tačnost, sigurnost i eliminaciju kašnjenja prilikom svakodnevnog korištenja našeg softverskog rješenja.

Naš softver se sastoji od više funkcionalnih cjelina koje Vam omogućavaju potpunu kontrolu **glavne knjige** finansija za svakog klijenta kao i administraciju korisnika softvera.

Osnovni modul – kontni plan – omogućava sljedeće funkcionalnosti:

- Upis konta po domaćoj valuti
- Izmjene i brisanje konta
- Pregled kontnog plana

Modul – nalozi – korisniku pruža mogućnosti:

- Ručno unošenje naloga za knjiženje
 - Onemogućen unos neujednačenog knjiženja
 - Onemogućeno knjiženje po kontu koji nije otvoren u kontnom planu

- Automatsko knjiženje naloga (primljenih i izdatih računa, plata, putnih naloga ...) na osnovu predefinisanih predloški
- Provjera predloški za naloge
- Unos naloga početnog stanja
- Pregled naloga sa mogućnošću filtriranja po:
 - kontu
 - broju naloga
 - datumu knjiženja
 - vrsti dokumenta
 - klijentu
- Ispis naloga na štampač
- *Export* naloga u dokument elektronskog formata

Modul – konto kartica – podržava sljedeće funkcionalnosti:

- Ispis konto kartice na osnovu odabranih parametara:
 - sintetička/analitička/subanalitička konta
 - pregled prometa za jedan konto ili više konta
 - datum knjiženja
 - klijent
- Popis svih konto kartica sa stanjem
- Pregled po poslovnim godinama

Također, naš softver omogućuje pregled i štampanje prometa glavne knjige kroz dnevnik finansijskog poslovanja kao i prikaz i štampanje bruto bilansa.

Pored navedenih, softver sadrži i modul za administraciju korisnika:

- Ažuriranje podataka o postojećim korisnicima u sistemu
- Administracija korisničkih prava
- Dodavanje/brisanje korisnika

Zašto FAMEHOF treba da bude Vaš izbor?

FAMEHOF je relativno mlada firma u usponu koja djeluje nešto više od 10 godina. FAMEHOF se bavi realizacijom projekata razvijanja poslovnih informacionih sistema za kompanije i organizacije različitih profila. Politika firme FAMEHOF se zasniva na iznimnoj posvećenosti potrebama krajnjeg korisnika rješenja, a što garantuje stabilnost i sigurnost, kao i minimalnu potrebu za naknadnim prepravkama.

Naš tim inženjera, kroz konstantnu edukaciju, je uvijek u koraku sa najnovijim razvojnim tehnologijama što omogućava izgradnju savremenih i sofisticiranih informacionih sistema koji će garantovano korisnicima poslovanje učiniti efikasnijim i boljim. Iako FAMEHOF djeluje tek nešto više od 10 godina na bh. tržištu, posljednjih godina se specijalizirala u području razvoja softverskih rješenja vezanih za finansije, na što ukazuje i činjenica da smo poslovali sa nekim od najjačih firmi u Bosni i Hercegovini kao što su *AS Group-Vispak, Prevent, AKOVA Group, Bekto Precisa*.

Fokusirajući se na potrebe korisnika FAMEHOF insistira na kombinaciji jednostavnosti korištenja sistema te efektivnosti i praktičnosti njegovih poslovnih procesa. Također je veoma bitno spomenuti da sva softverska rješenja naše firme imaju zakonsku usklađenost.

Cijena sistema: 3599.00 KM

Trajanje garancije: 3 godine

Vrijeme realizacije projekta: 4 mjeseca

Iskreno se nadamo da je sve navedeno dobar razlog da FAMEHOF budeš Vaš izbor!